



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

XXIII. Markgraf Woldemar bestätigt den Nonnen zu Marienpforte  
Hebungen aus Cröchelndorf, womit ein Altar dotirt war, am 27. Dezember  
1314.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

omnibus suis attinenciis, scilicet agris cultis et incultis, pratis, pascuis, cum limitibus et distinctio-  
nibus, cum iudicio summo et iure, et cum ceteris aliis ad ipsam pertinentibus, prout nobis, dum  
nostra fuit, competebat, ex nunc in perpetuum possidendam. Renunciamus omni iuri et actioni,  
que in eadem villa hactenus dinoscimur habuisse, ita simpliciter etiam, quod nos nichil nobis aut  
nostri heredes seu successores sibi in dicta villa, nec aliquam precariam hereditariam, que erfbede  
vulgariter dicitur, possimus aut possint de cetero vendicare. Ne autem in posterum super huiusmodi  
nostra donacione per nos rite facta cuiquam queat dubium suboriri, presentes litteras super eo scribi  
et dari iussimus et nostri sigilli munimine de nostro consensu et recta sciencia roborari, et dominus  
Johannes dictarum dominarum tunc temporis prepositus, nobis pro quolibet fructu reddituum  
predicte ville adjacentis quatuordecim marcas argenti et ponderis cum dimidia in numerata pecu-  
nia erogavit, de quibus ipsum prepositum et suos successores ac predictas dominas quitos omnino  
per presentes litteras nunciamus. Testes huiusque rei sunt nobiles viri domini ulricus de lin-  
dowe et guntherus de Kevernberg, comites, henningus de blankenborch, Theode-  
ricus de Kerkowe et rodolphus de lewenwald, advocatus noster, nostri fideles milites,  
heinicus ecclesie stendalensis decanus et Sloteko, nostre curie prothonotarius, cum multis aliis  
fide dignis. Actum et datum in curia werbelyn, Anno Domini millesimo CCC° XIII, in die bea-  
torum Primi et feliciani martirum.

XXII. Markgraf Woldemar schenkt dem Kloster Marienpforte das Eigenthum von drei Hufen  
in Clausshagen, am 27. September 1314.

In memoriam geste rei sempiternam. Nos Woldemarus, dei gracia Brandenburgensis,  
Lusacie et de landesberch marchio, presentium forma litterarum recognoscimus protestando, quod  
ad honorem dei omnipotentis et ad collaudacionem eius sanctissime genitricis marie virginis contu-  
limus, donavimus presentibus libere et donamus litteris religioso in Boyceneborch sanctimonia-  
lium conventui proprietatem trium mansorum jacentium in villa Clausshagen optinendam et ha-  
bendam temporum motibus sempiternis, Dantes presentem nostro sigillo communitam in huius facti  
evidentem claritatem. Actum et datum Boyceneburch, anno domini M° CCC° XIII°, in die  
sanctorum Cosme et Damiyani martirum.

XXIII. Markgraf Woldemar bestätigt den Nonnen zu Marienpforte Gebungen aus Gröscheludorf,  
womit ein Altar dotirt war, am 27. Dezember 1314.

Ad memoriam rei acte sempiternam. Nos Woldemarus, dei gracia Brandenburgensis,  
Lusacie et de Landesberch marchio, recognoscimus publice protestantes, quod contulimus presenti-

bus et conferimus proprietatem sex talentorum et quatuor solidorum Brandenburgensium denariorum, que quidem talenta proveniunt ex mansis tribus adiacentibus curie Koningh et duobus cum dimidio adiacentibus curie — de Wichmanstorpp in villa Chrechelftorppe iusto proprietatis titulo perpetuis temporibus obtinenda et possidenda a sanctimonialibus conventus in Boycelenborch; predicta eciam talenta et quatuor solidos zindengberus de Wychmanstorpp, erogavit ad quoddam altare in ecclesia dicti conventus id dotans ad honorem beate Marie virginis in remedium anime sue et salutem. Pro predicta autem — dictus zindengberus satisfecit et persolvit quadraginta et (duas marcas) argenti, prout eundem solutum in presentibus nunciamus et damus et confirmamus in validitatem perpetuam nostro sigillo communitam. Actum et Datum Lyeuen- uolde, Anno Domini Millesimo trecentesimo quartodecimo, In die beati Johannis apostoli et evangeliste.

XXIV. Markgraf Woldemar giebt dem Kloster Marienpforte in Hardenbeck sechs Hufen zu ihrem Ackerbau von Abgaben frei in Rücksicht auf die im letzten großen Kriege erlittenen Verluste, am 18. April 1317.

In nomine Domini, Amen. Que aguntur temporaliter, a memoriis hominum solent excidere, nisi scripture suffragio perpetuitatem capiant et munimen. Inde ergo est, quod nos Woldemarus, dei gracia Brandenburgensis et Lusacie Marchio, tenore presencium recognoscimus et in noticiam presencium et futurorum deducimus manifestam, quod in relevamen dampnorum, que nostri intuitu claustrum sanctimonialium in Buceneborch in gwerra magna proxime preterita sustinuit, dedimus ipsis sanctimonialibus et claustro liberam facultatem, sex mansos in sua villa Hardenbeck, quos elegerint, ad aratrum sue curie ibidem collocandi, preter eos sex mansos, quos prius sub aratro habuerunt. Eximentes dictos sex mansos ab omni precaria et servicio ab omnique onere, quo fuerant onerati, volentesque, ipsos, sicut primos sex, cum omni libertatis proprietate ad dictam curiam in Hardenbeck perpetuis temporibus pertinere. Huius facti testes sunt Inclita Agnes nostri thori consors, Nobilis vir dominus Guntherus comes de Keverenberg, Henricus decanus ecclesie Stendalgenfis, Everardus prepositus stolppensis, Thidemannus prepositus in Grandzoy, nostre curie capellani, et alii fide digni. In quorum nichilominus singulare testimonium nostro sigillo munire fecimus presens scriptum. Actum et Datum Turgelove, anno domini Millesimo trecentesimo Septimo decimo, feria Secunda post dominicam Misericordias domini.